

TLHATHOLLO – MORUMO WA GO FAELA LE MATŠATŠIKGWEDI

Pretoria, Labone 6 June 2019 – Ba Ditirelo tša Motšelo tša Afrika Borwa (SARS) ba lemogile gore kheraetheria ya balefela motšhelo bao ba sa hlokego go faela dipušetšo tša bona tša motšhelo wa letseno e hlalositšwe ka mokgwa wo o fošagetšego.

Seo se lego mabapi le setlha sa motšhelo

- Setlha sa Motšhelo se ka mabapi le go faela pušetšo ya motšhelo wa letseno go tiišetša gore merero ya motšhelo ya molefela motšhelo ka noši e maemong a mabotse.
- Balefela motšhelo ba ba ntši bao ba hwetšago megolo ba šetše ba lefeletše motšhelo ka Lefela ka Ge o Gola (PAYE) yeo e gogwago megolong ya bona ke bengmešomo bao ba lefelago dikgogelo tša motšhelo go SARS.
- Ge eba balefela motšhelo bao ba hloka go faela pušetšo, bjale ka bao ba golago tšhelete ya go feta R500 000 ka ngwaga, go a hlokega ka kakaretšo gore ba tiišetše gore SARS e šetše e tseba ka ga letseno le maemo a bona a ditšhelete.
- Le ge go le bjale balefela motšhelo ba bangwe bao ba golago mogolo wa morumo wa ka fase ga go faela, ba hloka go faela pušetšo ka lebaka la gore ba swanetše go laodiša methopo e mengwe ya letseno, bjale ka letseno la rente goba letseno la kgwebo, goba go kleima dikgogelo tša go nyalelana le motšhelo bjale ka ditshenyagelo tša kalafi tšeo di sa akaretšwago ke thušo ya kalafo, dikabelo tša go rola modiro le ditshenyagelo tša maeto.
- Gomme SARS e dira poelanyo ya tefelo yeo e lefetšwego ke mongmošomo go bapetšwa le yeo e laodišwago ke molefela motšhelo go pušetšo ya bona ya motšhelo wa letseno.
- Ka morago ga poelanyo, tekolo goba tlhakantšho ya motšhelo e ka fetša ka go re molefela motšhelo a lefele motšhelo wa tlaleletšo go SARS, goba mohlomongwe a ka swanelwa ke go hwetša pušetšo ya tefelo goba a se hwetše selo, ke gore, molefela motšhelo goba SARS ba ka no se kolotane selo.
- Setlha sa Motšhelo ga se mabapi le dipušetšo gomme go faela pušetšo ya motšhelo ga go tiišetše pušetšo ya tefelo.

Morumo wa R500 000 le kheraetheria ya bao ba sa hlokego go faela

- Morumo o šupetša go bao ba sa hlokego **go** faela pušetšo ya motšhelo, ga o šupetše bao **ba sa swanelago** go lefela motšhelo.
- Morumo wa go faela ga o swane le morumo wa motšhelo wa go lefela motšhelo goba go gogelwa Lefela ka Ge o Gola (PAYE). (O šetše o lefetše motšhelo ka PAYE yeo gogilwego go tšwa go mogolo wa gago ge eba o gola go feta R79, 000 ka ngwaga bakeng sa bao ba lego ka fase ga mengwaga ye 65 bakeng sa ngwaga wa 2020 wa motšhelo).
- Morumo wa R500 000 ga se fela peelano. Dipeelano ka moka tše di latelago di swanetše go dirišwa pele o ka nagana gore o feditše go faela pušetšo ya motšhelo:

- Mogolo wa gago o lefelwa go tšwa go mongmošomo o tee goba mothopo o tee (ge eba o fetošitše mešomo mo ngwageng wa motšhelo, goba o na le mongmošomo wa go feta o tee goba mothomo wa letseno, o swanetše go faela)
- Ga ona putsetšo ya sefatanaga goba ya maeto, kholego ya sefatanaga sa khamphani, yeo e tšewago bjale ka letseno la tlaleletšo
- Ga ona mokgwa o mongwe wa letseno bjale ka tswala, letseno la rente goba tšhelete ya tlaleletšo go tšwa ka thoko la kgwebo bjale ka go rekiša di-Tupperware goba go paka dikuku
- Motšhelo wa Bašomi (ke gore. PAYE) e gogilwe goba e fegilwe

Ditlhakantšho tša Motšhelo tša SARS

SARS e tla dira tlhakantšho ya motšhelo bakeng sa balefela motšhelo bao ba sa hlokego go faela e be eke ba faetše. Se se tla fa balefela motšhelo tiišetšo ya go ngwalwa ya go laetša gore ba maemong a ma botse le SARS.

Matšatškgwedi a go Faela Motšhelo

- eFiling e bula ka la 01 Julae gomme e tswalela ka la 04 Disemere 2019
- Go Faela Makaleng go bulwa ka la 01 Agosetose gomme go tswalelwa ka la 31 Oktobore 2019.
- Balefela motšhelo ba sebakanyana ba na le go fihlela ka la 31 Janaware 2020 go faela ka eFiling.

Diwekešopo tša Thuto ya Motšhelo

Šetšulu ya botlalo ya thuto ya diwekešopo tša motšhelo makaleng a rena e hwetšagala go websaete ya SARS go [Learn about Tax](#).

Diyuniti tša Motšhelo tša go Sepela

Diyuniti tša Motšhelo tša go Sepetšwa di swana le makala a go sepela ao a etelago mafelo a ka ntle. Go lebelela šetšulu ya matšatšikgwedi le dilete tša diketelo tša di-mobile units etela, [kgotla mo](#).